

卷〇三〇五 人字

卷〇三〇六 人字

卷〇三〇七 人字

永樂大典

永樂大典卷之三千五 九真

人

唐郎士元詩峽口送友人 峽口花飛欲盡春。天涯去住淚沾巾。壯無十里同為客。今日翻成送故人。李端詩送友人 聞說湘川路。年年桂林炊。依依聲巫峽。夜月照洞庭。波窮海人還去。孤城鴈共過。青山不同賞。來往自蹉跎。月落星稀天欲明。孤燈未滅夢難成。披衣更向門前望。不辯行人辯語聲。施肩吾詩山中送友人 欲折楊枝別恨生。一重枝上一啼鶯。亂山重疊雲相掩。君向亂山何處行。秋夜山中別友人 獨鶴孤雲兩難說。明朝又作東西別。知君少壯無十年。莫愛閑吟老松月。李頻詩送友人之桂林 君居桂林下。日伐桂林欂。何事東臺樹。年年待一枝。呂溫詩贈友人 南山雙喬松。權本皆千尋。夕流膏露津。朝被青雲陰。肩雪出深澗。搖風倚高岑。明堂久不構。雲幹何森森。匠意方雕巧。時情正誇淫。生材會有用。天地豈無心。盧殷詩維陽郡西亭贈友人 萍飈風池香滿船。楊花漠漠暮春天。王人此日心中事。何似乘羊入市年。兩齋登北原寄友人

稻黃撲撲黍油油。野樹連山湖北流。憶得年時馬頰郎。謝郎相引上樓頭。朔口逢友人。艱難別離火中外。往還深。已改當時髮。空餘舊日心。

貴山詩清明日園林寄友人。今日清明節。園林勝事偏。晴風吹柳絮。新火起廚煙。杜草開三徑。文章憶二賢。幾時能命駕。對酒落花前。二月留。

別友人。立馬柳花裏。別君當酒酣。春風漸向北。雲鴈不飛南。明曉日初一。今宵月正三。行行去暮色。遠嶽起煙嵐。李羣玉詩寄友人二首。野水。

晴山雪後時。獨行村路更相思。無因一向溪橋醉。處處寒梅映酒旗。花落輕寒酒熟遲。醉眠不及落花期。愁人想憶春山暮。煙樹蒼蒼撥穀時。

鄴詩寄陽朔友人。桂林須產千株桂。未解當天影日開。我到月中收得種。為君移向故園栽。李九齡詩山中寄友人。亂雲堆裏結茅廬。已共紅。

塵跡漸疎。莫問野人生計事。窻前流水枕前書。楊凝詩別友人。倦客驚危恐。傷禽逸樹枝。非逢暴公子。不敢涕流離。詩海繪章高明言送中牟于。

友人。昨夜陰雲透膽寒。地爐無火酒瓶乾。男兒慷慨平生事。時復挑燈把劍看。贈友人。湘陰直與地陰連。此日相逢憶醉年。美酒非如平樂。

貴。千井不用一千錢。宋王安石臨川集寄友人。元微之寄樂天相憶淚詩。除非入海無由任。縱使逢灘木擬休。飄然羈旅尚無涯。一望西南百嘆嗟。

江擁涕淡流入海檀芳主人深水練冠侍於廟垂涕淡風吹魂夢去回家平生積慘應消骨劉琨詩序排終身之積慘求數刻之雙歡 中山靖王

勝傳衆口鑠金積毀消骨鄒陽傳亦有今日殊鄉又見花安得此身如草樹根株相守盡年華藥天詩在地願為連理枝亦此意 莊子達生篇吾

震身也若厥林拘薊東坡集秋日寄友人柳條風煖會吟時林下池邊履齒移別後過從更踈懶暮蟬嘹亂不勝悲陳丁齋集寄友人 行人征

轡路西東霜葉翩翩舞亂紅晚色異勝溪浸月陰容黯澹馬嘶風浮生信若萍隨浪遠意徒驚鳥在籠萬事欲窮須握手尺書相問愧忽忽張乘崖

集暮春憶友人 楊花零落暮春風醉起南軒夕照紅閑倚焦桐坐無語故人相隔海門東鄭鄴集即事簡友人 門巷偏芳草相期春醉稀

可憐雙燕到還似故人歸幽鳥隔溪語落花穿竹飛誰知靜者樂石上稅朝衣 建興勉友人 人生三萬六千日二萬日中愁苦身惟有無心消

遣得有心到了是癡人周南山房集謝友人見過 歲暮寒風易中人對床誰與話情真平生知我無如子此度相看又隔旬世味慣看如嚼蠟寒

窻癡坐正凝塵只今便擬高軒過飲水毋嫌仲叔貧中興江湖集清苑趙氏送古壺與友人 小壺純素無文彩驗是殷商物至今損處怕敵凡手

觸。鑄時應有吉星臨。父藏厚土金聲盡。微貯清泉翠色深。持贈高人安几
席。為勾古意入新吟。秋氏短歌贈臨安友人。素絲銜塵化為墨。老人
雙鬢無由黑。俗兒翻手候炎涼。惟有君心比霜雪。破窻草亢風雨寒。夢遊
帝鄉虎當關。枯魚對酒淚澣俎。雄劍夜吼銅花乾。二十辭家顏色故。春心
不語絃解語。惜君古鏡施鉛華。含羞獨泣羅房雨。青天中開多不平。少年
裘馬多流星。千金無處買俠骨。坐念歲月空崢嶸。方惟深詩都下寄友人
葉聚之。朝車皆有從。暮轍各有投。茫茫聲利區。賤客難獨留。豈無平生
交。音容杳南州。幽懷欲有訴。寤寐不可求。追我夙昔懽。負于今日遊。勉夫
尚有適。所因非所羞。元程禮部集題扇寄友人。山深嵐氣上為雲。樹壓
重蒼晝不分。一帶人家新瓦色。黃鸝百轉靜中聞。王沂濱集野田花戲
荅友人。陂水淨以綠。原田美而遐。盈盈田中苗。的的原上花。秀若玄圃
雲。紫如赤城霞。誰令貴反賤。惻惻行路嗟。綠草被沃壤。繁花翳塵沙。昨隨
南畝田。今入西隣家。輝輝間陵道。莽莽接水涯。且復事固帶。寧聞勸燒畬。
飛飛媚黃蝶。跼跼關青蛙。無如野田好。請子問蓬麻。陳允平詞紅林擒
席上贈友人飛絮迷芳意。落梅消暗香。皓鶴唳空碧。白鷗避寒塘。坊他踏
青閭草。便放晚日東窻。先自懶罷晨粧。誰奈弄笙黃。望帘尋酒市。看釣

認漁鄉。控持紫燕。芹泥未上雕梁。想梁園謝館。草花較晚。但陪玉樹頻舉觴。
吳文英詞一剪梅 贈友人遠目傷心樓上山。愁裏長眉。別後教鬟。暮

雲低壓小闌干。教問孤鴻。因甚先還。瘦倚溪橋梅夜寒。雪欲銷時。淚不禁
彈。剪成釵勝待歸看。春在西窻。燈火更闌。劉須溪詞謝友人老去尚呼張

丈。醉中自惜熊兒。越王臺上鷓鴣啼。三朝臣不遇。無復好文時。情緒幽
幽似結。鬢絲索索禁吹。病來魂不到相思。散人腰已散。倚杖嘆吾衰。時苦

腰滯過眼紛紛。來歸往往。羇兒草間塞口。誇問啼提。提提都不是。何似
未生時。城上胡笳自怨。樓頭畫角休吹。誰人不動故鄉思。江南秋尚可。

塞外草先衰。宋謝朓宣城集懷故人。芳洲有杜若。可以贈佳期。望望忽
超遠。何由見所思。我行未千里。山川已間之。離居方歲月。故人不在茲。消

風動簾夜。孤月照窻時。安得同翫手。酌酒賦新詩。唐李翰林集江上寄巴
東故人。漢水波浪遠。巫山雲雨飛。東風吹客夢。西落此中時。覺後思白

帝。佳人與我遠。瞿塘鉞賈客。音信莫令稀。韋應物詩淮上喜會梁川故人
江漢曾為客。相逢每醉還。浮雲一別後。流水十年間。歡哭情如舊。蕭疎

鬢已斑。何因北歸去。淮上對一作首秋山。悲故人。白璧衆求瑕。素絲
易成污。萬里願沛還。高堂已長暮。積憤方盈抱。纏哀忽逾度。念子從此終。

黃泉竟誰訴。一為時事感。豈獨平生故。惟見荒丘原。野草塗朝露。盧綸詩
赴號州留別故人。世故相逢各未閒。百年多在別離間。昨夜秋風今夜
雨。不知何處入空山。代員將軍罷戰後歸舊里贈朔北故人。結髮事
疆場。全生俱到鄉。連雲防鐵嶺。同日破漁陽。牧馬胡天晚。移車磧路長。枕
戈眠古戍。吹角立繁霜。歸老歟仍在。酬恩虜未忘。獨行過邑里。多病對農
桑。雄劍依塵橐。陰符寄藥囊。空餘麾下將。猶逐羽林郎。逢南中使。因寄
嶺外故人。見說南來處。蒼梧接桂林。過秋天更暖。邊海日長陰。巴路緣
雲出。蠻鄉入洞深。信迴人自老。夢到月應沉。碧水通春色。青山寄遠心。炎
方難久客。為爾一沾襟。韓翃詩河上寄故人。河流杳靄晚。天濶水黯澹。
秋烟日暖。昆吾臺上春。深顙項城邊。鶯聲亂鳴鴻。塞花片細。點龍泉。西望
情人早至。尤應得醉芳年。武元衡詩寒食下第通簡長安故人。柳掛九
衢絲。花飄萬家雪。如何憔悴客。對此芳菲節。寒食都人重勝遊。相如獨自
閉門愁。嘗聞婁護因名達。君試將余問五侯。孟郊詩獨宿嶺首憶長安故
人。月迥無隱物。况復大江秋。江城與沙村。人語風飈飈。峴亭當此時。故
人不同遊。故人在長安。亦可將夢求。將見故人佳。人李夏中。及此百
餘日。無日不相思。明鏡改形質。寧知仲冬時。忽有相逢期。振衣起踟躕。顏

鯉躍天池張籍詩贈故人馬子喬 躑躅城上羊攀隅食玄草俱共日月

輝昏明獨何早夕風舒野篠飛塵被長道親愛難重見懷憂坐忘老寒

灰滅更然夕華晨更鮮春水雖暫解冬水復還堅佳人捨我去實愛長絕

絃歡至不留日感物即傷年松生壠坂上百尺下無枝東南望河尾西

北望崑崖野風振山籟鳴鳥夜驚離悲涼貫年節意翠恒若斯安得草木

心不怨寒暑移種橘南池上種杏北池中池北既少露池南又多風早

寒逼晚茂衰根滿秋容湘濱有靈鳥其子曰冥鴻一拋繒繳痛長別遂無

雙皎如川上鵲赫似渥中舟宿心誰不欺明白古所難憑虛觀皓露洒

酒盞憂顏未念平生意窮光不忍還淹留徒攀桂延佇空結蘭雙劍將

離別先在匣中鳴煙雨交將夕從此忽分形雌沉吳江裏雄飛入楚城吳

江深無底楚閩有崇崗一為天地別宜宜限平明神物終不格十祀儻還

并寄漢陽故人知君漢陽住煙樹遠重重歸使雨中發寄書燈下封

同時賈江島今日別雲松欲問新移處青蘿最此峯沒蕃故人前年

戍月支城上沒全師蕃漢斷消息死生長別離無人收廢帳歸馬識殘旗

欲發疑君在天涯哭此時寄故人靜曲閑房病客居蟬聲滿樹槿花

踈故人只在藍田縣強半年来不得書逢故人山東二十餘年別今

日相逢在上都。說盡向來無限事。相看摩挲白髭鬚。邊上送故人。百戰一身在。相逢白髮生。何時得佳信。每日算歸程。走馬登寒隴。驅羊入廢城。羌歌三兩曲。人醉海西營。方玄英詩。酬故人陳又都。遠別那無夢。重遊似有期。羊羊鄉信到。兩地赤心知。坐久吟移調。更長硯結澌。文人才力薄。終怕阿戎欺。送鄉中故人。少小與君情不踈。聽君細話勝家書。如今若到鄉中去。道我垂釣不釣魚。許渾詩。京口聞寄京洛故人。吳門煙月昔同遊。楓葉蘆花並客舟。聚散有期雲北去。浮沉無計水東流。一樽酒盡青山暮。千里書回碧樹秋。何處相思不相見。鳳城宮。一作龍闕。楚江樓。趙嘏詩。曲江春望懷江南故人。杜若洲邊人未歸。水寒煙暖想柴扉。故園何處風吹柳。一鴈南來雪滿衣。目極思隨原草徧。浪高書到海門稀。此時愁望情多少。萬里春流遠釣磯。張喬詩。寄維揚故人。離別河邊綠柳條。千山萬水玉人遙。月明記得相携處。城鎖東風十五橋。李頻詩。秋日江上思歸寄故人。蕭條對秋色。相憶在林泉。木落病身起。潮平歸思懸。涼鍾山頂寺。暝火渡頭船。此地非吾土。淹留又一年。許棠詩。留別故人。孤立本不偶。非惟今所難。無門一作闕。閨共老。盡日泣相看。鳥畏聞鴉。鳩。花殘一作愁。替牡丹。何人知此計。復議出長安。陳陶詩。江上逢故人。十年

蓬轉金陵道。長哭青雲身不早。故鄉遙盡白頭人。清江顏色何曾老。黃泊
詩鍾陵故人。滕王閣下昔相逢。此地今難訪所從。唯愛金龍貯鸚鵡。誰

論鐵柱鎖蛟龍。荆榛翠是錢神染。河嶽期須國士鍾。一筋鱸魚千古美。後
人終少繼前蹤。寄懷南北故人。秋風昨夜落芙蓉。一片離心到外區。

南海浪高書墜水。北州城破客降胡。玉窻挑鳳佳人老。綺陌啼鶯碧樹枯。
嶺上青嵐隴頭月。時通魂夢出來無。周賀詩早春越中留故人。此行經

歲近。唯約半年迴。野渡人初過。前山雲未開。鴈羣逢燒斷。林色映川來。清
夜蘆中客。嚴家舊釣臺。留別南徐故人。三年夢見侍。此夕是前程。未

斷却來約。且伸臨去情。潮迴灘鳥下。月土客船明。他日南徐道。緣君又重
行。韋莊詩江上逢故人。前年送我曲江西。紅杏園中醉似泥。今日逢君

越溪上。杜鵑花發鵲啼。來時舊里人誰在。別後滄波路幾迷。江畔玉
樓多美酒。仲宣懷土莫淒淒。吳融詩長安逢故人。歲暮長安客。相逢酒

一杯。眼前悶事盡。心裏故山來。池影含新草。林芳動早梅。如何不歸去。霜
鬢共風埃。李建勳詩細雨遙懷故人。江雲未散東風暖。溟濛正在高樓

見。細柳綠堤少過人。平蕪隔水時飛燕。我有近詩誰與和。憶君狂醉愁難
破。昨夜南窻不得眠。閑階雨滴向燈坐。厲寔詩客中逢故人。客愁無次

第相見各依依。舊路經年別。故鄉何處歸。風高寒木落。山暝夕陽微。彼此無依倚。何人重布衣。裴窮窶詩寄故人。澹澹春風花落時。不堪愁坐更

相思。無金可買長門賦。有恨空吟團扇詩。符蒙詩旅夜懷故人。羸形對

寒影。即此更何親。半夜枕前淚。窮秋鄉外身。雨餘嵐色動。風靜月華新。故

友誰相憶。羊來入夢頻。僧懷楚詩送新平故人。常聽倉庚思舊友。又因

胡蝶夢生涯。一千餘里河連郭。二十六峯寒到家。陰昌宜分東號鴈。暗樓

高入上陽鴉。姜原廟北與君別。應笑薄寒悲落花。宋眉山唐子西集北歸

至廣州寄惠州故人陳伯脩。李文輔。梁昭德歸心如躍馬。奮迅不可駐。別

情如放猿。已去猶反顧。三年孺子社。數借柱史書。好在五噫孫。善保千金

軀。舊來談天口。老去盡地力。萬里不相忘。寄聲問眠食。騎省徐鉉集贈維

揚故人。東京必長認維桑。書劔誰教入帝鄉。一事無成空放逐。故人相

見重淒涼。樓臺寂寞官河晚。人物稀疏驛路長。莫怪臨風惆悵久。十年春

色憶維揚。秦州道中却寄東京故人。風緊雨淒淒。川迴岸漸低。吳州

林外近。隋苑霧中迷。聚散紛如此。悲歡宣易齊。料君殘酒醒。還聽子規啼

冠忠愍公集月夜懷故人。清夜月初滿。薜廬吟更幽。梧桐疎影老。蟋蟀亂

聲秋。舊國情何極。空江思欲流。故人今底處。危坐獨凝愁。劉攽彭城集

頽水作寄陳州諸故人。不知頽水清如此。欲比蓬萊似是非。察見淵魚
寧有意。往來鷗鳥已忘機。濟川便樂風波息。洗耳都疑世事違。甚悔衡門
臨沁水。還思冠者試春衣。宋景文公集擬西出陽關無故人。兩中柳色
醉中迷。上馬彎弓散馬蹄。陽關門外故人遠。獨有殘陽相伴西。鄭獬鄭溪
集寄并州故人。年來羈客感歡遊。少對清樽浣別愁。社裏故人相憶否。
夜來歸夢到并州。去年寒食柳溪頭。着意尋花醉未休。今日天涯最惆
悵。滿江煙雨吊春愁。王安石臨川集戲城中故人。城郭山林路半分。君
家塵土我家雲。莫吹塵土來汚我。王導傳。元規塵汚人。我自雲持寄君
陶弘景詩。見定林寺注。半分。謂半山也。李跨龍先生集湖上招故人。柳
影依窻過。荷香拂枕浮。雲邊山近雨。石下水通秋。白藕離新斲。嘉魚落晚
鉤。還同動情興。已為掃西樓。邵子擊壤集思故人。芳酒一樽雖甚滿。故
人千里柰思何。柳投池閣條偏細。花近簷楹香更多。強祠部集居魏歲餘
未嘗見江鄉故人。今李弟無悔。如雄過此。相見甚喜。席間率成短篇呈之。
經年大河北。終日故鄉心。入耳欣吳語。開懷慰越吟。天寒裘領薄。日暮

酒盃深。早晚論邊策。長纓試請擒。新秋夜月寄故人。客心宜靜夜。月
色澹新秋。影落三湘水。詩傳八詠樓。何窮對酒望。幾處捲簾愁。若問相思

意隨君萬里遊。毛東堂先生集逢故人。落日仍江縣。相逢下馬鞍。頻憂
從者病。可柰故人寒。老大囊書脫。平生匣劍乾。長年祇少睡。忽漫語盤桓。
陸放翁詩新歲頗健寄青城故人。驕氣年來痛自鋤。似能略契度關書。
神光出昔夜穿帳。胎髮滿頭晨映梳。吾道元知非土苴。此身那可付丘墟。
岷山幸有丹爐在。青壁何時共結廬。晚歲懷故人。衰髯白盡無添灰。
病骨癯然欲折時。客抱琴來聊滄茗。吏封印去又哦詩。山橫城上勢如壓。
角動樓頭聲正悲。零落斷鴻書不到。歲殘何以慰相思。對酒慄丹陽成
都故人。夢生常美觴懷樂。死時却悔生時錯。花前有酒不肯狂。回首朱
顏已非昨。君看古來賢達人。終日飲酒全其真。世間萬事竟何有。金樽翠
杓差關身。放翁少日無凡客。飛觴縱樂皆豪傑。清歌一曲梁塵起。腰鼓百
面春雷發。故人仙去蓬萊宮。鸞絲鳳竹醉春風。石帆山下孤舟雪。一段清
愁付此翁。鄭耕欄先生集訪故人。扁舟載月隨夜風。曉到礪源訪老農。
水骨借風鳴活活。澗毛被雨綠茸茸。竹萌已削瓊瑤白。村酒仍沽琥珀濃。
醉倒田間無一事。九衢車馬自衝衝。天寒歲暮兩無聊。訪戴那辭十里
遙。直上洞天三十六。馬蹄迤邐步瓊瑤。曹勛松隱集簡冲畚庵中故人
寄跡臨安久。思歸夕夢頻。愁多難強醉。病苦故禁人。夜短無清夢。年高嘆

幼身。山中有道伴。雲壑擅餘春。呂本中詩。祈門道中寄宣城故人四首。去程歸鴈兩悠悠。行到荒山儘上頭。試問中原何處是。只言東北是宣州。

風落千山兩夜鳴。時因歸夢識宣城。欲知歸路行多少。已過徽州第五程。宣城人物未全衰。四士風流世不知。別後略無佳語寄。道中纔有數

篇詩。詹郎逸氣今誰似。李令清言久不聞。獨立共傳摩詰後。隱居還見伯仁孫。張椿齡蒲衣集寄故人。浮生難百歲。能得幾日月。漸缺口中牙。

將衰鬢邊髮。人情不久長。翻手成胡越。急急早歸來。從今好休歇。裘起巖東塘集寄中都故人。千山疊疊高入天。中有縹緲之神仙。壁立煙容風

虎卧。林深洞啓雲龍潛。長安詩翁有健筆。蜀道客子無新篇。尺書萬里寄天遠。萬一故人曾我憐。文天祥詩寄故人。溪頭濁潦擁魚鰕。笑殺漁翁

下釣槎。棹取扁舟湖海去。悠悠心事寄蘆花。愧故人。九門一夜漲風塵。何事癡兒忽誤身。子產片言圖救卹。仲連本志為排秦。但知慷慨稱男

子。不料蹉跎愧故人。王勒金鞍南上去。天高月冷泣孤臣。章甫自鳴集寄荆南友人。餘生自判一虛舟。未害尋詩慰客愁。梅欲飄零猶醞藉。柳纔

依約已風流。關心弟妹無黃犬。入夢江湖有白鷗。別後故人相念否。東風應倚仲宣樓。歸自真州。道中用前韻簡諸故人。閑愁生旅懷。薄酒安

能陶。藍輿赴歸期。歷歷山路高。風雨道傍愁。倏然思故交。官闕想聚首。懷
我登煩勞。辯論雜嘲諢。詩詞兼雅騷。人生幾何時。容易生二毛。方今天子
聖。登用皆夔臯。願君各努力。去矣追羣豪。我生苦畏事。屏處如遁逃。縱復
技養存。敢念麻姑搔。陳藻樂軒集夢故人 死生休道隔幽明。夢裏相看
話舊情。幻出他誰真面目。莫教總是自心成。華趙二先生南征錄華嶽寄
茗溪故人 昔年分袂雪江東。繫馬花梢撲亂紅。解珮送行情怏怏。舉盃
言別恨匆匆。中人以土誰知我。北斗以南唯有公。此去東閩有良便。一書
無惜慰窮窮。趙希蓬和 棹沙聚散易西東。覽鏡顏非舊日紅。千里鴈
郵成杳杳。百年駒隙去匆匆。暮雲杜憶謫仙子。夜雪王思安道公。蠶室史
遷非有罪。從來文士例多窮。思故人于謫建。不聞西北故人安否。因以
詩寄于明叔。調諸于動靜。太乙辛未落翼并。幾多豪傑未成名。堯天日月
寄和玉。胡地山川知耀卿。盧六驅風能破屋。陳三平水可傾城。辛未暮府
勤延攬。何事諸兄未有聲。扣前韻 握手論懷屢合并。自居謫籍玷時
名。剡溪無路訪安道。北海何人知子卿。千里憑詩馳意馬。一樽賴酒破愁
城。秋風若有南來鴈。未忘故人煩寄聲。在建思蜀道襄漢故人 十載
無人問益之。誰於咳唾覓珠璣。兩三十里家何在。三十六峯人未歸。將謂

抱薪能救燬。果然盡餅不充饑。東川恐遇連榮祖。一笑不須論是非。和
前韻。縱跡江湖問所之。雄文到處罵明璣。詩書未得些兒用。豪傑空令
衆譽歸。千里雲山飛不到。寸心日夜怒如饑。幾番清夢隨蝴蝶。一覺回來
又已非。李太隱先生集。寄雪上故人。交流蒼雪轉城闌。尚想汀洲詠白
蘋。擇勝已居蓮社界。歸耕恰及杏花春。彫胡映益抄雲子。鱸鯪堆盤破玉
鱗。鮭菜腥鹹何足道。未應回首海之濱。僧文珣詩。重逢故人。不見生公
四十秋。中間多少別離愁。重逢寧用傷頭白。難得相看盡白頭。晚別故
人。別日不易數。相逢多故情。爲吾留一宿。同子話三生。月印秋燈白。霜
添夜氣清。晨鍾緣底事。還又動離聲。蘇洞詩。思故人。故人不可見。書札
報平安。黃菊誰能折。青山獨自看。雨生南浦足。秋入五湖寬。歲晚無多事。
相看把釣竿。徐恢詩。會故人。江南江北每淹留。懶聽寒蟬噪暮秋。句裏
豈能窺鮑謝。暗中聊解識曹劉。清如老鶴翻秋露。快似神駒畧九州。只恐
蛟龍得雲雨。未容蓮社與僧遊。毛郎才湧似潮頭。莫比寒虫泣夜秋。要
上蘭臺掛班馬。不聯石鼎玩侯劉。定知有道能醫國。稍喜談禪勸趙州。顧
我雖無陶謝手。尚堪述作與同遊。李公明詩。遇故人。虛憲桂子打風聲。
夜酌沉沉夜氣清。三十年間不須說。可堪相照髮星星。馬時行詩。贈故人。

一日如三秋。屬君情所專。晨風吹初春。統屋鵲聲乾。得非造物意。憐我徒侶單。放晴速君歸。一笑不作難。起勢化龍竹。消散枯骸酸。矯首東山雲。行人爲我言。言君騎紫馬。近在十里間。溪邊古松堤。柳破梅飛殘。疾走落巾屨。歡迎訊平安。津津眉間黃。顧我一燦然。頗云萬貔虎。枕戈卧西關。元戎坐帷幄。花幕清晝閑。井絡天一涯。可以加飯餐。復出羣公詩。字字冰雪寒。窮探到深溟。老語覺險難。一讀重驚嘆。再讀醒昏頑。嗟我平生心。文陣無左旂。遽拭消滴眼。窺此瀛海寰。並驅吾宜敢。愧負百且千。尚能督租賦。用博沽酒錢。日日與君醉。高歌易長嘆。再和煌煌六藝學。元元門亦專。耕道宜有秋。而我適早乾。跡贅日月邁。破裘霜雪單。誰謂四海寬。已覺一飽難。失計墮簿領。署判手爲酸。皇家罕天綱。昨下如綸言。冷眼看匠手。唯黃英俊間。華堂玉塵動。綉簾香鴨殘。爲國得一人。可使天下安。當時呼畫師。我愧寧不然。策勲徑投筆。守志甘抱關。涯注萬里心。束芻老甌闌。豈無首霜盤。可以羞晨餐。豈無芰荷衣。可以備祁寒。天地日漭蒼。逢辰諒多艱。世既不吾與。不去良亦頑。搖搖故山心。長風動旌旛。君今門下士。良匠滿人寰。與我各相去。何啻一小千。異時白雲底。仰君分酒錢。富貴無相忘。勿徒況永嘆。孫覺詩寄黃山故人。鬢毛黑添面如丹。曾侍親輿作長官。天